

Date – 04/12/2024

Time - 18:30 -18:40Hrs

## REGIONAL NEWS BULLETIN

### HEADLINES (EVENING)

1. Chief Minister Pu Lalduhoma'n Zo hnahthlak hmun hrang hranga cheng te inpumkhatna lam hawi zel a pawimawh a ti.
2. Health Minister Pi Lalrinpui'n Mizorama damlo enkawlna hmun hrang hrang tihchangtlun nan CSR Fund dap zel a pawimawh tih a sawi.
3. BJP hruaitu senior Devendra Fadnavis chu Maharashtra Chief minister thar a ni dawn
4. External Affairs Minister Dr. S. Jaishankar-a chuan India leh China inlaichinna a that theih nan ramri-a remna leh muanna siam a pawimawh a ti

<><><>

### ZOFEST - CM

Chief Minister Pu Lalduhoma'n Zo hnahthlak hmun hrang hranga cheng an inpumkhat chho zel a ti a, kohhran thlenga inpumkhatna a awm tawh tih sawiin ramchhung leh rampawna zofate inpumkhatna lam hawi zel a pawimawh tih a sawi.

Mizo Zirlai Pawl buatsaih Zofest 2024 West Phailenga Lalbuanga Runa neih a hmanpui na ah sawiin Chief Minister chuan mizoram pawna zofa awm te inpumkhat tura tan lak a pawimawh a ti a, ram hrangah awm mahse zo hnahthlakte chu inpumkhatna lam hawia tan la thar zel turin a chah a ni.

Pu Lalduhoma chuan Zofate tam an ngai tih sawiin fa ngah a tul a ti a, Mizoram chu ram dangte nena khaikhinin mi cheng an la tlem tih sawiin Pun chu sawrkar policy a nih avangin nupa, fa pathum leh a aia tam nei chinte hamthatna duan an rilruk a ti bawk.

Chief Minister chuan Ram ro hlu ber chu human resource tha a ni a ti a, Ram leilung hausa tak te pawh a chhunga cheng mipuite thiamna leh theihnain a tlin loh chuan ram changkang an ni lo tih sawiin thalaiten zirna uar a pawimawh a ti a, Handholding hmangin khai chhuah tlak thalaite, an bana kaia din chhuahtir an tum tih sawiin Dahkham ngai lovin hmalakna tur loan an la thei dawn a ti a, thalai ruihhlo avanga thi an tam chu pawl atih thu sawiin ruihhlo do kawngah sawrkarin theihtawp a chhuah chhonzawm zel dawn ati bawk.

Kumina Zofest hi vawi sawmna a ni a, thupui atan "Hrui khat vuanin" tih chu hman niin Nizan khan palaite lawmnain hun an tana, vawin chawhma lam, an hun hnihna hi Chief Minister chuan a telpui a ni.

MZP President Pu Lalthianghlma pawhin thusawin, MZP in Zofest a buatsaih chhan ber chu zo hnahthlak unaute inkara inremna leh inunauna tha tundin a ni a ti a. Thenawm state ah pawh Zofest chu kum dangah an ngat thin tih sawiin zofate inpumkhat nan MZP chuan hma a la zel dawn tih a sawi bawk.

<><><>

## HEALTH MINISTER

Health Minister Pi Lalrinpui'n Mizorama damlo enkawlna hmun hrang hrang tihchangtlun nan CSR Fund dap zel a pawimawh tih a ti a, Company tam tak Mizorama lo luh an chak avangin ram tana hmasawna tur ngaihtuah thiam a pawimawh tih a sawi.

He thu hi vawiina Mizoram State Cancer Institute (MSCI) Zembawk ah Cancer damlote tan inzai theihna 'Surgical Services' bultanna Operation Theatres Complex leh damlo 7 dah theihna ICU a hawna ah sawiin Pi Lalrinpui chuan MSCI ah inzai theihna leh ICU hawn chuan mipui harsa zawk tam tak, phai panna tur neilo ten nasa takin an chhawr tangkai thei dawn a ti a, Aizawl Civil Hospital leh ZMC ah inzai ngai te chu MSCI ah an inzai thei tawh dawn tih sawiin damdawiin lian 2 te a chhawk zangkhai thei dawn a ti.

Minister chuan Mizoram PHC ah damlo admit an tlem laiin District Hospital mipuiin an bawr hle a ti a, District khawpuia damdawiin thenkhat leh thingtlang damdawiin hrang hrang hmanraw changkan lama an pachhe deuh tih sawiin Damdawiin lian pawh tih changtlun zel a ngai a ti a, ZMC a IVF, lung zaina Cardiothoracic Surgery bakah thluak zaina Neurosurgery te tan anih theih nan kawng te dap mek anih thu sawiin Sawrkarin damlo enkawlna hmun thum chak chu a ngai mawimawh tih a sawi bawk.

MSCI ah hian cancer zai thei doctor pathum (gynane onco surgeon, onco surgeon superspecialist leh head and neck onco surgeon) an awm awm tawh a, an mahni puitu anesthesiologist leh thawktu dang dah belhin damlo zai hi tan a ni a, hemi in a mamawh leh a ken tel ICU khum 7 awmna pawh hawng nghal niin Operation Theatres Complex hnuai hian Major OT 2 leh Minor OT 1 a awm a. Hengte hi Sawrkar Laipui Scheme 'Tertiary Cancer Care Centre' scheme hnuai din leh sak niin tun dinmun ah doctor 16 an thawk mek a ni.

<><><>

## ZO INDEGENOUS IDENTITY CARD

Mizoram Legislative Assembly Speaker Pu Lalbiakzama'n zo hnahtlak hmun hrang hranga cheng te in chhawmdawl tawn zel a pawimawh a ti a, ram thenhran ah awm mahse thisena inzawm annih avangin inlunguala insuihkhawm zual a ngai tih a sawi.

He thu hi vawiina ZORO buatsaih Zo Indigenous Identity Card a pisaa a tlangzarh na ah sawiin Pu Lalbiakzama chuan UNO-in indigenous people-te a ngaihpawimawh thu leh zofate chu indigenous people-a a pawm tawh thu sawiin, hnam lian leh chak zawkte'n an awpbeh mek indigenous people-te chhanchhuah an nih theih nan UN Declaration on the Rights of People's chu kum 2007 daih tawhah siam a ni a ti a, UNO thupuan chu hman tangkai thiam a tul tih sawiin ZORO General Headquarters-in 'Zo Indigenous Identity Card' an siam chu zofate'n dikna chanvo an chan theih nana tangkai taka hman a nih ngei a beisei thu a sawi.

Pu Lalbiakzama chuan zofate chu British Sawrkar 'divide and rule policy' tuar nasa ber a nih thu sawiin ram bung pathum India, Burma leh East Pakistan (Bangladesh) ahte thensawm an ni a ti a, India-ah State pali Mizoram, Manipur, Tripura leh Assam-ah te thendarh an ni leh tih sawiin hmun hrang hrangah awm mahse inlungual taka an awm zel a pawimawh a ti a, insuihkhawmna thinlung pu theuh turin zo hnahtlak te a ngen tih a sawi bawk.

<><><>

## YUVA UTSAV-LUNGLEI

India zalenna kum 75-na lawmna leh India in kum 2047-a kum 100 a tlin huna Ram Hmasawn nih a tumna kal zelah Thalaite kutpui, "Yuva Utsav chu vawiin khan Nehru Yuva Kendra (NYK), Lunglei District leh KT College,

Lunglei ñang kawp huaihawtin Saikuti Hall, Lungleiah ‘Thalaite Kutpui’ buatsaih a ni.

He hun hi Lunglei West bialtu MLA Pu T. Lalhlimpuia chuan Khuallian niin a hmanpui a. India ramín zalenna a hmuh añanga kum 75 a tlin lawmna kal chho zelah kum 100 a tlin hun (kum 2047) atana ram hruaitute hmathlir ñha tak tihlawhtling turin hma lak chhoh mek a nih thu sawiin, chu hmathlir leh hma lakna a hlawhtlin nan ñhalaite'n mawh an phur lian hle a ti a. Ñhalaite chu ram tan mahni theihna zawnah ram tana mi ñangkai ni tura chahin zirlaite tan lehkha zir ñhat a pawimawh thu leh zirlai ni tawh lo tan mahni thiam thil hman ñangkai leh theihna tipung zel tura inzir a pawimawh thu a sawi a. Mi theih ang thei ve lo tura inngaihna rilru paih bova ding chhuak tur te, mahni hnam ziarang, nunphung leh rohlute chhuang leh chawi lar a, vawng him zel tur leh mahni nihnaa chiang leh lan chhuahtir chung a inunauna leh inpumkhatna chhawm nung zel tura chahin chhungkua, kohhran, khawtlang leh ram tana mawhphurhna hlen chhuah zel tum tur te'n kal khawmte chu a chah a ni.

Vawiina hun hmanah hian science mela, thupui thlansa hmanga thu insawi siak, hnam la, leh zia hmanga intihsiak a ni a, Yuva Utsav thupuiah hian "Panch Pran of Amrit Kaal: India @2047" tih chu hman niin Kum 2047-ah India ram chu ram hmasawn leh intodelh nihtir a, sal tang rilru añanga chhuah zalen leh hnam ziarang leh hlutna chawi san bakah inpumkhatna vawn nun leh khua leh tui ñha leh mawhphurhna hlen zoa siam chu he hmalakna in a tum a ni.

<><><>

#### PARAKH RASHTRIYA SARVEKSHAN

Department of School Education and Literacy, Ministry of Education buatsaih PARAKH Rashtriya Sarvekshan 2024 (PRS 2024) chu vawiin khan Mizoram chhunga school thlan bik 1058—a Pawl 3, Pawl 6 leh Pawl 9 zirlaiteah kalpui a ni.

National Achievement Survey (NAS) tiha hriat thin PARAKH Rashtriya Sarvekshan 2024 (PRS 2024) hi Central sorkar hmalakna niin survey ah hian School Education Minister Dr Vanlalhlana kaihhruaiin Department hotuten school hrang hrang an tlawh a, PARAKH chuan National Level Observer atan IASE Mizoram Principal Prof Lallianzuali Fanai, chu a ruat a. Tehna chi hrang hrang hmangin Mizorama PRS 2024 hi felfai taka kalpui ani em tih a enfiah a ni a, survey kalpuina tur atan hian State Level Coordinator pahnih SCERT Director leh Samagra Shiksha State Project Director ruat niin anni bakah hian district tina DIET Principal leh DPC te chu District Level Coordinator niin, Field Investigator atan DIET zirlaite hman an ni bawk.

PARAKH Rashtriya Sarvekshan 2024 hi India rama zirna chungchanga survey lian ber niin zirlaiten an thiam chhuah tura duante an zir chhuak em tih enna tura buatsaih a ni. National Education Policy (NEP) 2020 ina zirna atana a tum bulpuite ngaihpawimawh a nih dan te, zirnaa hnufualna te, zirna huapzo kalpui a nih dan bakah education policy duangtuten quality education atana policy ñha tak an duan chhuah theihna tura an hriat tur pawimawhte he survey hian a hrin chhuah beisei a ni.

<><><>

#### MAHARASTRA CM

BJP hruaitu senior Devendra Fadnavis chu Maharashtra Chief minister thar a ni dawn. Pu Fadnavis hi naktukah Mumbai-ah rinawmna thutiam tira lakluh a ni ang. Vawiin khan BJP Core Committee thukhawm chuan legislature party leader atan Devendra Fadnavis hi an thlang a. He hunah hian BJP central

observer Union Finance Minister Nirmala Sitharaman leh Gujarat Chief Minister hlui Vijay Rupani ten an tel pui a ni.

Maharastra Chief Minister atana thlan Devendra Fadnavis chuan Mahayuti-a an thawpui te chungah lawmthu a sawi a. Mipuite hnena an lo intiamna chu tihhlawhtlin ngei a tiam a ni.

<><><>

EAM

External Affairs Minister Dr. S. Jaishankar-a chuan India leh China inlaichinna a that theih nan ramri-a remna leh muanna siam a pawimawh a ti. Vawiina Rajya Sabha rorel inkhawmah he thu hi sawiin Pu Jaishankar-a chuan India leh China inlaichinnaa tunhnaia hmasawna tarlangin hun reiloteah inbiak leh a ni dawn a ti a. Hetah hian ramri-a inepna tiziaawm tur leh ramri enkawl kawnga mumal zawka ruahmanna siam dan sawiho a ni ang a ti.

<><><>

PMAY

Union Minister for Rural Development Shivraj Singh Chouhan chuan sawrkarin mi rethei chenna in sak tur vaibelchhe hnih leh nuai 95 a pawm tawh tih a sawi. Vawiina chanchinbumite zawhna chhangin Pu Chouhan-a chuan kum nga lo awm leh turah chenna in vaibelchhe 2 dang sak belh leh a ni dawn a ti a. PM Awas Yojana-Rural hnauaih chenna in nuai 38 sak zawh tawh a ni tih sawiin hemi atan hian cheng vaibelchhe sing khat leh zaruk pek chhuah a ni a ti a. PM-JANMAN hnuaiah tlangmite tan liau liau chenna in sing 4 leh sang 6 pek tawh a ni a ti bawk.

<><><>